



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XXXII.

**urn:nbn:de:hbz:466:1-29452**

Sic 1. Cor. 5. luxuriosus traditur Sathane, quoad temporalem pœnam &c. At Christus suo sanguine liberavit omnes credentes de æterna pœna, id est, culpa, non autem ab omni temporaria pœna, infirmitatibus, angustijs, tribulationibus, morte, &c. Sed illa mitigari & extingui possunt nostris orationibus, ieiunijs, laboribus, sicut patet de Niniuitis, Ionæ. 3. Et ad illum etiam finem excogitati sunt canones pœnitentiales, ubi Ecclesia tanquam pia mater præuenit iram Dei, quoad temporarias pœnas: item eò conducunt indulgentiæ. Sed ab æterna pœna & culpa solū Christi meritum saluat.

## CAPVT XXXII.

## ARGVMENTA.

1. *Quid sit Christum induere.*
2. *Quando contingit illa induitio Christi.*
3. *Quid sequi debeat illam induitionem Christi.*



Postolus in epist. ad Roma. docet nos Christum induere debere, vt cap. 13. Induimini Dominū nostrum Iesum Christum. Est autem Christum induere, nihil aliud, nisi effici participem bonorum Christi ac communicari. Et fit in Spiritu & fide, quādo anima sic acceptat Christi iustitiam, redemptionem, omnemque gratiam, vt verissimè & certissimè credam mihi cum filio omnia filij bona esse donata, & mea propria fore, sicut Apostolus Roman. 8. ait Qui dedit filium, quomodo non omnia cum filio? Nam hæc est propria & vera conditio fidei, vt quis certò credat & teneat, quòd omnia Christi, sua sunt, vt liberè dicere possit, Christi iustitia, redemptio, mors, resurrectio, mea sunt. Hæc enim Fides communicat omnia bona Christi. Sicut ergo homo vestimentum suum induit, & dicit esse suum proprium.

Sic Fides in Christum, vestit & communicat nobis Christi iustitiam, & facit esse nostram. Et hoc est Christum spiritualiter induere, & se vestire operibus Christi. Hęc maxima nostra est consolatio, quòd habemus aliam iustitiam, sanctitatem, perfectionem, &c. scilicet Christi, quam Fides nobis facit propriam: in Christi ergo iustitia & merito confidimus contra peccatum, legem & Sathanam, non propria nostra iustitia & perfectione, quam Paulus vt stercora reputat, Philippens. 3.

Hęc Christi induitio fit in Baptismo, sicut ait Apostolus Gal. 3. Quotquot baptizati estis, Christū induistis: id est, bonorum Christi cōmunicationem accepistis. Vt ergo Christus diligitur à Patre, ita & nos propter Christum diligimur, & regni capaces ac hæredes efficiamur, Rom. 8. Quando igitur baptizamur, & in Christum credimus, ad hęc Christi bona intramus. Hic in Baptismo Christus incipit esse nostra iustitia, via, veritas & vita, Ioan. 14. Et sic vita nostra abscondita est in Christo Iesu, Colof. 3. Ab Adam accipimus & participes sumus iniustitiæ, peccati, atq; mortis æternę, in quo omnes peccauimus, Rom. 5. Adam, quia caput & radix peccati, ergo omnes eius fructus sunt mali & peccatores: At Deus pater statuit hoc mediū, vt qui cupit liberari à peccato primi parentis, is credat in filium suum Christum, quem idè dedit mūdo, vt omnis qui credit in illum, non pereat, Ioan. 3. Et ita fit, vt sicut in Adam omnes moriuntur, ita in Christo omnes viuificabuntur, 1. Cor. 15. Vt igitur Adami hæreditatem, quod est peccatum, contraximus omnes ex prima natiuitate, sic in Baptismo, dum renascimur, participamus bona Christi: & idè Christus misit discipulos suos in mundum vniuersum, vt hoc vbiq; denunciarent Euangelium, id est, bonum nuncium, Marc. 16. Nam hęc est ordinatio diuina, quòd propter Christi iustitiā & mortem, nos vult reputare sanctos

sanctos & filios suos, modò nos, vt filios decet, exhibeamus nos erga patrem.

Postquam Christum in Baptismo induimus, tunc sequi Christum debemus: nam duo sunt, Christum induere, & Christum sequi: Induitio præcedat oportet: nam nemo rectè sequitur Christum, nisi primùm sit indutus Christo: Fides autem induit nobis Christum: sed obedientia præceptorum & boni fructus, ostèdunt quòd sequamur Christum. Nam sequi Christum, est facere iustitiã, veritatem, humilitatē, continentiam &c. Sic inquit Augustinus li. 3. de Trinitate, cap. 4. quòd passio Christi est nobis Sacramentum & exemplum: Sacramentum fidei scilicet, quòd credo pro me illum passum, Roman. 4. Exemplum, vt sequar eius vestigia, id est, patientiam, dilectionem, &c. sicut quoq; Petrus ait 1. Pet. 2. Christus pro nobis passus est, relinquēs nobis exemplū, vt sequamur vestigia eius. Sic igitur Christus sua nobis cōmunicat bona, sic sequi Christum debemus, & id facere proximo nostro, vt illum iuueamus verbo & facto, vt qui se permittat indui à proximo. vt illi velit ac faciat, sicut sibi cupit fieri, & hoc est præceptum Dei dilectionis, vt dilectio non sit simulata, Ro. 12. & non diligamus verbo vel lingua, sed opere & veritate, 1. Ioan. 3. Ergo qui adhuc in peccatis viuit, nec proximi miseretur, is nõdum verè induit Christum, nec etiã sequitur Christum, qui dicit, Exemplum dedi vobis, vt quemadmodum ego feci &c. Io. 13. Ipse pro nobis orauit erga patrem, pro nobis tulit mortē & omnia sua nobis communicat: ergo illum sequi debemus, & hoc facere erga proximum. Ex quo patet, quòd nullū sanctorum possumus induere, præter solū Christum: nõ Petrum, non Paulū: sed benè sequi eos possumus & debemus, sicut dicit Apostol. 1. Cor. 11. Imitatores mei estote, &c. Nam etiã quilibet sanctorum indignus est pro se induere Christum per Fidem, eiusq; iustitiam

partici-

parti-  
nos p  
& ali  
cipio  
actio  
Christ  
quam  
& sic  
us, m  
prehe

1.  
2.  
3.  
C  
dn



tingit, c  
facit au  
stus ipse  
tuus, vt  
quàm si  
vt Christ  
est Dei m

participem fieri, ob id vera vitis est Christus, ex qua nos palmites participamus Christi succum, Ioan. 15. & alienæ iustitiæ. Sic nos induimus Christum principio per Fidem in Baptismo, in vita sequimur illum actione virtutū & bonorum operum, & è diuerso ipse Christus nostram suscepit miseriam & peccatum tanquam proprium, hoc purgans & pro illo satisfaciēs, & sic fit, quòd dicitur in Cantic. cap. 5. Dilectus meus, mihi, & ego illi. Sic fides & charitas Christum apprehendunt ac tenent.

CAPVT XXXIII.

ARGUMENTA.

1. *Quomodo scriptura semel nobis proponit Christum vt donum Dei, quòd in Fide cum gaudio suscipere debemus.*
2. *Quomodo scriptura proponit nobis Christū, vt exemplum vite & operum quod imitari debemus.*
3. *Quomodo per Euangelium, verba & facta Christi, Christus ad nos venit, & nos illi adducimur.*



Criptura nobis proponit semel Christum vt donum patris, quod ex misericordia ipsius nobis proprium datur, vt conscientia turbata, illo sese exhilarescat & consoletur: hoc autem sic contingit, quoties audis vel legis quòd Christus aliquid facit aut patitur, quòd ibi non dubites, quòd Christus ipse cum tali facto aut opere seu passione sit tuus, vt super tali re non minus spem tuam loces, quàm si tu ipse fecisses hoc opus, aut sic passus fuisses vt Christus. Hoc est verè agnoscere Euangelium, hæc est Dei maxima pietas, quā nullus prophetarum aut

I      ángelo=